



## **Universitätsbibliothek Paderborn**

### **Cvrsvs Theologici ...**

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. II. An Angeli se ad gratiam primò recipiendam disposuerint.

**urn:nbn:de:hbz:466:1-13718**

# An Angeli gloriā meruerint per operā illam subsequentia. Se. I. 355

## SECTIO PRIMA.

Vtrum Angeli Sancti beatitudinem  
meruerint per opera in statu  
beatitudinis facta.

I.  
Prima en-  
tentia est,  
Angeli pri-  
mo beatitu-  
dinem inflati  
meruisse.



AGISTER in 2. d. 5. affirmat, aitque Angelos per opera quae nunc in beatitudine exercent beatitudinem primò sibi collatam mererentur. Bonaventura in 2. d. 5. a. 3. hoc saltem docet de operibus primo beatitudinis instanti elicitis, in priori scilicet natura, quod etiam aliquando docuisse videtur S. Thomas licet hic, quæst. 62. sententiam mutarit.

II.  
Duplicem han-  
quæstionem  
disputandi  
modus.

Dubius modis disputari potest hæc quæstio: Primo, utrum status beatitudinis obstat merito, de quo postea cùm de beatitudine. Secundo, utrum mereri quis possit præmium per opera illud subsequentia, de quo in materia de Incarnatione, ex proposito disputatur solet dum de merito unionis hypostaticæ, ibique illud, Deo dante, discutiam.

III.  
Pessim me-  
ritatem tempore  
sequi colla-  
tione pra-  
missum.

Non ergo videtur dubium, quin nil obstat merito, quod opera præmii collationem tempore sequantur: sic enim Christus gratiam antiquis Patribus meruit, qui cum tempore præcesserunt. Si verò procedat quæstio de operibus præmii collationem naturæ subsequentibus, dico breviter, quod fusius in materia de Incarnatione est declarandum, non posse illa mereri præmii illius collationem. Ratio est quia Principium meriti caderet sub meritum, contra S. Augustinum, & alios Patres, qui passim contra Pelagium dicentes primam gratiam cadere sub meritum, probant hoc omnino fieri non posse, eò quod prima gratia ad ipsum actum meritorum à priori requiratur, atque hinc inferunt, non posse gratiam actum illū in primā sui collatione subsequi. Confirmatur: nec enim magis potest effectus moralis meritorum esse causa moralis meriti, seu causa sue primo ponendæ, quam ignis B; causa quoad primum esse ignis A, à quo primo producitur, aut quodvis alijs effectus physicus causa primò producens suam causam.

Idem quod  
hoc est in  
causa physi-  
cis, & mora-  
libus.

Dices: via Angelorum brevis admodum fuit, & unius diei ad summum, ut communis habet sententia; ergo per opera tantum in via facta, non videntur ad tantum meritorum cumulum pervenire potuisse ut maximos quoque Sanctos in perfectione vel ad aequalitatem, vel supererent, quorum tamen merita, non unius tantum diei, sed multorum etiam annorum decursu sunt acquisita. Resp. copiosam iis primo creationis instanti infusam esse gratiam, cui perfectissime cooperantes, ad maximum brevitem tempore gratiae, & consequenter gloria, cumulum pervenire potuerunt, tum intensissime operando, tum actus supernaturales viæ perfectius exercendo, quam homines ut plurimum praestant, prefertim cum & gratia ipsa excitans in ipsis perfectior esse potuerit & quoad substantiam, & operandi modum:

Declaratur  
que patro-  
Angelis bre-  
vi tempore  
sunt merita  
habuerint.

SECTIO SECUNDA.  
An Angeli se ad gratiam primò reci-  
piendam disposerint.

I.  
Angelos tam  
bonos, quam  
primo crea-  
tionis instan-  
ti, ad Deum  
convertisse

SECUNDUM, quod hæc queritur est, utrum Angeli se per actus bonos & supernaturales ad gratiam sanctificationis primò recipiendam disposerint, vel eam sine ulla dispositione propriâ infusam habuerint. Angelos tam bonos quam malos sicut in gratia omnes creati fuerint, ita & per actus

bonos liberos supernaturales se primo creationis instanti ad Deum convertisse passim docent Theologici, & videtur mens sancti Thomas, hæc q. 62. a. 6. tenua. corpore: inquit à fortiori dicendum hoc in ipsius sententia videtur de Angelis, cùm primâ parte, q. 45. art. 1. ad quintum, de primo hominie doceat, cùm primo creationis instanti se ad Deum convertisse, & actum bonum habuisse, quo gratia confensit. Unde i. p. quæst. 63. art. 5. ad quartum art. etiam malos Angelos primo creationis instanti meruisse.

Habet etiam hoc maximum in S. Augustino fundamentum lib. 12. de Civit. cap. 11. ubi de Angelis loquens, simul, inquit, ut facti sunt, ei à quo facti sunt, amore cum quo facti sunt, adheserunt. Quarimus facti eliciti, itaque, utrum hi actus, quos primo illo instanti prius natum simul cum gratia habituali habuerunt, fuerint in ratione gratiarum, sicut de actu contritionis in conversione peccatoris respectu primæ gratiae dici solet.

Et quidem nullum in hoc esse repugnantiam mihi indubitum videatur: primò enim quid vetat ut Angelus primo creationis sua instanti actum liberum eliciat, cùm tam perfectè illo instanti, acullo alio postea sequente, libera sit ejus voluntas ad operandum indifferenter, alioquin hujusmodi actum nec concomitant nec consequenter ad gratiam primo illo instanti habere posset. Deinde Deus ab aeterno liberè omnia decernit; ergo & Angelus liberè operari posset primo instanti sua productionis, seu existentia. Nec etiam ex hoc capite repugnat quod gratia requiratur ad meritum: hic enim supponimus datam gratiam excitantem, & cooperantem: gratia autem habitualis, seu sanctificans ad meritum de adjuvantia. congruo non est necessaria, ut omnes fatentur.

Suarez itaque hæc, lib. 5. cap. 8. Vasquez d. 228. cap. 1. & alii non pauci, qui ab his afferuntur, Angelos autem se ad gratiam habitualem per opera illa mani, alii ex gratia excitante facta primo creationis instanti disposerint, & illa in priori natura ad gratia infusionem elicuisse. Excontraria Molina q. 62. a. 3. & alii ex recentioribus volunt Angelos, gratiam habitualem sine ulla propriâ dispositione primo illo instanti receperint.

Ex his tentatis difficile dictu est, quænam sit preferenda: in hanc tamen posteriore magis Probabiliter propendeo, tum quia connaturalior modus hos actus eliciendi est per habitus, & principia intrinsecæ, ac permanentia, quam per auxilium extrinsecum, se ad gratias transiens. Quod verò in nostrâ conversione ad Deum, & ad gratia infusionem in adultis dispositio posuisse, aliqua requiratur, est quia prius supponimur à Deo aversi, per se autem decretere videtur, ut ad gratiam obtinendam non tantum ab innocentie exigatur, ac à peccatore, ut benè Molina suprà: Tum denum Non tantum quia hoc modo actus Angelorum sunt magis fructuosi, cùm etiam pro primo instanti hoc modo potuerint esse gratiae meritorii. Nec nobis hæc in cento, quanticus contrarius est S. Thomas hæc, q. 62. a. 2. ad. 3. tum a peccatore, solum enim vult aliquem non indigere gratia habituali ut se ad habitualem gratiam obtinendam disponat, quod nos non negamus.

Terum quod hæc inquire solentes, utrum gratia, quæ Angelis primo creationis instanti data est, Angelis in qualibet fuerit an inqualis. Resp. breviter cum tunc instanti, & cum Theologis communiter, gratiam iis qualiter tunc secundum diversitatem perfectionis naturalis erat infusa, inqualiter fusse infusa, non quidem quod id natura exigeret, sed Deus merè ex voluntatis sua ordinatione gratiam iis hoc modo voluit infundere.

VII.  
Ex Patribus  
offenditur,  
Angeli in-  
quales in-  
creationis  
instanti ac-  
cepisse.

Hoc etiam docet S. Damascenus & S. Dionysius affirmans distributionem Hierarchiarū & ordinum in Angelis fieri pariformiter secundum excessum naturæ & gratiæ: quod lib. de cœlesti Hierarchia, c. 6. à præceptore Paulo didicisse se profiteret. Unde ibidem: *Prima, inquit, Hierarchia sicut est perfectior reliquis, ita primoribus Dei splendoribus (gloriæ scilicet & gratiæ) majori propinquitate conjuncta est; sicut au- tem Suarez h[ic], lib. 5. cap. 10. n. 14. & alii, qui di-*

cunt Angelos gratiam primo instanti dependenter à propriâ dispositione accepisse, hic consequenter affirmat eos auxilia tunc inæqualia habuisse, ita ut hic ordo & inæqualitas gratiæ, toto tempore & via hic, & gloriæ in patriâ persistat, sic etiam dicere possumus nos, Deum eo modo illorum intellectus & voluntates semper movisse, ut sicut inæqualiter gratiam primo creationis instanti acceperunt, ita & inæqualiter deinceps auxerint.

## DISPUTATIO LXXIX.

### De peccato Angelorum.

#### SECTIO PRIMA.

*Vtrum Angeli voluntas ita sit libera,  
ut in purâ naturâ contra natura-  
lem rectitudinem peccare  
potuisset.*

I.  
Angeli in  
hoc statu po-  
tuissent pro-  
gnovia in-  
stanti vel  
benè, vel  
male agere.



ISPUTATIONE 76. sect. 2. ostendimus, voluntatem Angelis sibi relictam, ita indifferentem esse ad bonum & malum, ut quamdiu in via extitit, alterutrum amplecti potuerit, & consequenter vel benè agere, vel peccare, idque five mortaliter five venialiter, etiam primo creationis instanti. Nam itaque inquirimus, utrum idem contigisset si Angelus in purâ naturâ fuisset creatus, sine ullâ elevatione ad gratiam, & præcepto positivo, ac lege supernaturali.

II.  
Nulli sunt  
Angelini na-  
tura sua  
malu[m].

Manichæi  
duo statue-  
bant princi-  
pia, bonum  
alterum,  
alterum  
malum.

Error Por-  
phyrii circa  
demones.

III.  
Nulla crea-  
tura est à se,  
nec natura  
sua mala.

Demones  
creati sunt  
boni, & per  
seum arbit-  
rium facti  
sunt mali.

Suppono contra Manichæos, Priscilianum, & alios hæreticos, quos refert & damnat Concilium Bracharense primum, can. 6. & Leo Papa Ep. 91. nullos esse Angelos naturâ suâ malos: Manichei enim duo statuebant prima principia, & ex iis alterum sumum malum esse aiebant, ac mala omnia per se solum efficere. Hoc vero principium ulterius dicebant, non à Deo substantiam suam, naturaliter malam accipere, sed eam habere à se: quod etiam docuerunt Priscilianisti afferentes diabolum naturâ suâ malum, nullum habuisse sui auctorem, sed è tenebris per se emersisse. Unde & Angelos aliquos statuebant per se malos, & à se sine illo sui principio existentes. Porphyrius etiam inter alios errores, quosdam demones posuit naturâ suâ fallaces, & malos, ut refert S. Augustinus lib. 10. de Civit. cap. undecimo.

Hæc tamen sententia & falsa & hæretica est; omnia enim à Deo creata sunt, & bona: Angeli autem suo arbitrio facti sunt mali. Unde præter Concil. Bracharense citatum, hoc definitivum Concil. Lateranense sub Innocentio, & habeatur cap. Firmiter de summa Trinitate. Diabolus inquit & alii demones à Deo quidem naturâ creati sunt boni, sed ipsi per se facti sunt mali. Quare ulterius in Concil. Carthag. 4. inter alios fidei articulos ei proponi solitos, qui Episcopus erat ordinandus, unus fuit, *An crederet quod diabolus, non per conditionem, sed per arbitrium factus sit malus.* Deinde, non potest aliquid naturaliter esse in se malum quoad substantiam, multò minus quoad aliquam operationem; hac enim si naturalis sit, & necessaria, mala moraliter esse non potest, nec Angelos reddere præ- nū dignos. In hanc proinde sententiam acerrimè

inveniuntur Patres omnes, tamquam & fidei & naturæ lumini contrariam.

Prima itaque sententia ait, licet Angelus, si ad statum supernaturalem elevetur, posse peccare, imò de facto multi peccaverunt, si tamen, inquit hi auctores, in purâ naturâ relinqueretur, ita esset naturâ suâ determinatus quoad specificationem ad bonum honestum, ut non posset, eo relictio, velle aliud turpe, adeoque in naturalibus deficere peccando non posse: ita Durandus, Capreolus, Cajetanus Ferrara, & multi ex recentioribus Thomistis.

Secunda tamen & probabilior sententia affirmat Angelum, etiam naturâ sue relictum, liberum esse quoad specificationem circa bonum & malum, ita ut quodvis amplecti, & in quamcumque velit partem suo se arbitratu infletere possit, proindeque & in purâ naturâ peccare: ita Scotus in 2. disp. 23. q. unica, Ockam, Gabriel, & alii. Suarez lib. 3. cap. 7. Molina, Arrubal, & alii.

Probatur hæc sententia primò: defacto enim peccaverunt Angeli contra lumen rationis, & consequenter contra legem naturalem; posito namque quod Deus eorum naturam ad ordinem & finem supernaturalem elevaverit, & ejusmodi præcepta impoſuerit, tam est evidenter contrarium rationis iis non obtemperare quam mentiri, aut aliud hujusmodi praestare; tam enim evidenter dicitur lumen naturale esse in supernaturalibus Deo obtemperandum, posito quod imponantur ejusmodi præcepta, ac in naturalibus. Deinde dæmones jam multa praestant contra lumen & dictamen rationis, mentiendo, homines decipiendo, & ad peccata portrahendo, ergo & in purâ naturâ isthac praestare possent, cum non minus perfectè jam ista videant dictaminis rationis adversari, quam vidissent in purâ naturâ; jam enim cognitionem habent aquæ perfectam, ac in purâ naturâ habuissent, vel ante peccatum habuissent, faltem quod scientiam naturalem.

Licet etiam, cum modò sint in statu damnationis, & summâ desperatione æternâ felicitatis, maximumq[ue] conceperint odium Dei, habeant varia incentiva ad peccandum, qua in statu purâ naturæ non habuissent; sicut tamen hæc incentiva non ita impellunt eos ad peccandum, quin possint absolute non peccare, ita cum in purâ naturâ fuissent liberi, potuissent absolute hæc & familia peccata committere, cum eadem ratio convenientia vel disconvenientia potuisset iis in eo statu eadem claritate proponi, qua modo, sique eadem in iis fuisset simpliciter libertas & potentia in purâ naturâ, qua jam est ad hæc peccata admittenda.

#### SECTIO